



Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

- I. Expenditur locus Macropii de dicto Augusti, cum Herodis filium inter Bethlehemiticos infantes occisum accepisset.

urn:nbn:de:hbz:466:1-16260

PROPOSITIO IX.

395

Isa. 8. 3, 4. Et dixit Dominus ad me, Voca nomen ejus, Acceleras spolia detrahere, Fessina predari: quia antequam sciat puer vocare patrem suum & matrem suam, auferetur fortitudo Damasci, & spolia Samaria coram rege Assyriorum.

Isa. 60. 6. Omnes de Saba venient, aurum & thymus deferentes, & laudem Domino annuntiantes.

CAPUT XIV.

Jesus fugit in Aegyptum, & post diuturnam moram
redit in patriam.

OSE. II. 1. Ex Aegypto vocavi filium meum.

MATTH. 2. 14, & seq. Qui (Joseph) consurgens accepit puerum, & matrem ejus nomine, & secessit in Aegyptum, & erat ibi usque ad obitum Herodis: ne adimpleretur quod dictum est à Domino per Prophetam dicentem, Ex Aegypto vocavi filiam meum. . . . Deserto autem Herode, ecce Angelus Domini apparuit in somnis Joseph in Aegypto, dicens, Surre, & accipe puerum & matrem ejus, & vade in terram Israël; defuncti sunt enim qui quererent animam pueri. Qui consurgens accepit puerum, & matrem ejus, & venit in terram Israël.

CAPUT XV.

Infantum cædes ab Herode perpetrata.

GEREM. 31. 15. Hac dicit Dominus: Vox in excelso auditæ est lamentationis, luctus, & fletus Rachel plorantis filios suos, & nolentis consolari super eis, quia non sunt.

MATTH. 2. 16, & seq. Tunc Herodes videns quoniam illusus esset à Magis, iratus est valde, & mittens occidit omnes pueros qui erant in Bethlehem, & in omnibus finibus ejus, & bimatu & infra, secundum tempus quod exquirerat à Magis. Tunc adimpletum est quod dictum est per Jeremiam Prophetam dicentem, Vox in Rama auditæ est, ploratus & ululatus multus; Rachel plorans filios suos, & noluit consolari, quia non sunt.

I. M E MORABILE est, & ad fidem Evangelicæ Historiæ conciliandam per opportunum Augusti dictum, de Herodis sævitia in Judæorum infantibus, ipsumque adeo ejus filium, quod refertur à Macrobo. *Cum audisset, inquit, inter pueros, quos in Syria Herodes rex Judæorum intra bimatum jussit interfici, filium quoque ejus occisum, ait, Melius esse Herodis porcum esse quam filium. Filius ille Herodis inter pueros Judæos Bethlehemitas à patre interfecitus, ecquis tandem fuerit, varie est ab eruditis discreptatum. Baronius, aliquique censem fuisse eum infantem recens natum, jussu santes occisi patris cum aliis interfecitum, ne is foret ad quem, ex Magorum vaticinio, regnum Iudeorum esset perventurum; ejus mentionem fuisse prætermissam à Josepho, quem alias res complures memoria dignas silentio quoque pressisse constat; velut Jobi historiam & Piscinæ ad Probaticam portam, cuius prater Johannem Benjamin quoque meminit in Itinerario. Hanc opinionem merito refellit Casaubonus. Opinatur Grotius duas historias in unam confusisse Macrobiū, alteram de Bethlehemitarum infantium cæde, quam ex libris Christianorum, Christianus fortasse & ipse accepérat, alteram de cæde Antipatri à patre Herode interfeciti: cuius opinionis argumenta pro-*

D d d ij

fert nonnulla. Evidem Antipatrum à Macrobo notari existimo; sic tamen ut non duas in unum confuderit historias, sed unicam historiam, eamque distinctam ac veram narraverit. Nam quod scribit occisum cum fuisse inter pueros Bethlehemitas, non sic intelligendum est, quasi unus fuerit ex his pueris; sed quo tempore trucidati illi sunt, eodem & hunc morte fuisse affectum. Inane ergo est quod objicit Grotius, Antipatrum jam provecatum ætate, quique Bethlehemi non erat, cum interficerentur Bethlehemitici infantes, non satis recte dici inter eos fuisse occisum. Cædes modo Antipatri & infantium eodem circiter tempore, ejusdemque homini iussu patrata sit, etiamsi magnum inter hos, illumque fuerit discrimen ætatis, nec eodem loco cœsi sint, jure dicetur inter illos fuisse necatus: cum præfertim non intra Bethlehemi oppidi muros laniana hæc grastata sit, sed omnes ejus fines fuerit pervagata, ut habet Evangelista. Addit Grotius Antipatrum quinto ante Herodis mortem die fuisse occisum: παῦδον ζειαν autem aliquanto ante contigisse, idque intelligi ex eo quod defuncto Herode in patriam ex Aegypto statim Joseph cum Iesu & Maria redierit. Si tempora recte distinxeris, plana omnia fient. Nam post discelsum Magorum, de capessenda in Aegyptum fuga admonitus Joseph ab Angelo, illuc statim profectus est. Secuta est deinde aliquanto post παῦδον ζειαν. Hanc exceptit Antipatri interitus. Extinctus est quinto post die Herodes ipse. Rumor postmodum confusus, ut sit, & indistinctus de cæde infantum & Antipatri dissipatur, venitque ad Augustum; qui re nondum accurate explorata, neque discrimine locorum, aut facinoris modo, caussif. ve intellectis, memor jam duos ab Herode filios prius interfecitos, Alexandrum & Aristobulum, Melius esse dixit Herodis porcum esse, quam filium. Instar Grotius, atque dictum ad Antipatri cædem, non ad παῦδον ζειαν pertinere, atque inde apparere prius illud solum ad Augustum esse perlatum, Macrobius vero illuc παῦδον ζειαν mentionem perperam attexuisse. Quod ita se habere non concedimus: nam ut atrocitus Augusto visum est, Herodem in provecæ jam ætatis filium, regnique sui succelforem testamento designatum, ac suæ jam dignitatis participem sœvissse, quam in ignobile puerorum vulgus, ita illud potius dicto falso, quam istud prosecutus est. Fortasse & de παῦδον ζειαν quid sentiret adjectit, sed à Macrobius, vel ab eo unde accipit Macrobius, prætermisum hoc est, cui jocos tantum Augusti referre fuerat positum. Conster ergo hac in parte sua fides Macrobius, qui illustri testimonio Evangelicam hanc historiam afferuit.

CAPUT XVI.

Iesus habitat Nazarethum, & Nazareus appellatur.

JUDIC. 13. 5,7. Concipies & paries filium, cuius non tangat caput novacula: erit enim Nazareus Dei ab infantia sua, & ex matris utero; & ipse incipiet liberare Israël de manu Philistinorum..... Ecce concipies & paries filium, cave ne vinum bibas, nec sicutam, nec aliquo vescaris immundo: erit enim puer Nazareus Dei ab infantia sua, ex utero matris sue, usque ad diem mortis sue.

Isa. 11. 1. Juxta Ebraicum exemplar: Et egredietur virga de radice Iesse, & Nazareus de radice ejus ascendet.

Isa. 53. 2. Et ascendet sicut virgultum, & sicut radix de terra sicuti.

MATTH. 2. 22, 23. Admonitus (Joseph) in somnis, secessit in partes Galilee. Et uestius habitavit in civitate que vocatur Nazareth, ut adimpleretur quod dictum est per Prophetas, Quoniam Nazareus vocabitur.

Luc. 9. 39, & seq. Et ut perficerunt (Joseph & Maria) omnia secundum legem Domini, reversi sunt in Galileam, in civitatem suam Nazareth. Puer autem crescens Et descendit (Jesus) cum eis, & venit Nazareth, & erat subditus illis.

CAPUT XVII.

Johannes Christi præcursor.

ISA. 40. 3, & seq. Vox clamantis in deserto, Parate viam Domini, rectas facite in so-

MATTH. 3. 1, & seq. In diebus autem illis venit Johannes Baptista predicans in deserto Iudeæ, & dicens, Penitentiam agit,